



Liebe Kinder der Kindertagesstätte Eichgüetli. Wir vom Kita-Team vermissen euch. Vielen Kindern ist es zurzeit nicht möglich zu uns zu kommen. Darum kommen wir zu euch. Wir haben verschiedene Geschichten unserer lieben grauen Maus geschrieben und hoffen, dass ihr so immer wieder mal kurz gedanklich mit uns in der Kita seid. Wir wünschen euch und euren Eltern viel Spass beim Lesen.

Teil 3



Hui, itze het ds Müüsli aber lang näbe sine Fründe gschlafe. Äs gumpet usem Wägeli, streckt sich u springt chli im Chlätterhüsli umenang.

När geihts use i Garte, bim Brunne verbi.

Hoppla, het sich da vorne itze ned grad öppis bewegt? Aber nei, das cha ja ned si; d Chind si doch aui daheime, äs isch ja scho haubi ahti am Abe u d Kita het zue. Oder isches öppe d Chatz wo immer mau wieder i Kitagarte z Bsuech chunnt? Hoffentlich ned dänkt ds Müsli u faht chli afa zittere. Vor dr Chatz het nämlich ganz fescht Angscht.

Da, scho wieder bewegt sich dert
vorne öppis u äs gseht no grad ä chli
vomene Chrättli.

Ds Müsli isch schampar gwunderig u
schlicht sich zur Hustüre vo
Himmublau.



D Türe steiht äs chlises Späutli offe.

Äs ghört öpper singe; aso das isch sicher
ned d Chatz, die cha nämlich nume so
grüsli lut miaue. Dä oder die wo da singt
isch im Gumpizimmer vor Gruppe
Himmublau.



Ds Müsli glüsslet hingerem Türrahme
füre u wän gsehts ächt da? Dr
Oschterhas!

Ds Häsli fröit sich, ds Müsli ume einisch ds gseh u zäme mache sie äs
Oschter-Abchlatsch-Värsli

- Oschter-Oschter-häs-häs
- Oschter-Oschter-li-li
- Oschter-häs
- Oschter-li
- Oschter-häs-li



SCHÖNI OSCHTERE!

Pass uf di uf!

Bis gli, die grau Muus.

3. Teil geschrieben von Miriam Brunner